



Broj: 26-04-13651-31/23
Sarajevo, 11.05.2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KABINET PREDSEDAVAJUĆEG SKUPŠTINE
n/r Predsjedavajući Skupštine

PREDMET: Odgovor na zastupničku inicijativu zastupnice Danijele Kristić, dostavlja se
Veza Vaš akt broj: 01-04-13651-20/23 od 26.04.2023. godine

Poštovani,

Na Sedmoj radnoj sjednici Skupštine Kantona Sarajevo, održanoj dana 19.04.2023. godine, zastupnica Danijela Kristić je podnijela zastupničku inicijativu:

“Poštovani,

Na osnovu vijesti da je MUP KS potpisivanjem sporazuma o uvjetima i načinu neposrednog pristupa, povezivanja i uvida u elektronsku evidenciju zemljišnih knjiga za nekretnine Kanton Sarajevo postaje prvi kanton s aktivnim E-GRUNTom.

U postupcima prijave i odjave prebivališta i boravišta, građani Kantona Sarajevo više neće morati prilagati ZK izvadak, jer će uposlenici MUP-a KS imati mogućnost uvida, pretrage i štampe izvoda iz elektronske evidencije zemljišnih knjiga za nekretnine KS.

Stoga podnosim inicijativu da Ministarstvo komunalne privrede, infrastrukture, prostornog uređenja, građenja i zaštite okoliša i njegov Sektor za upravljanje, realizaciju projekata i nadzor u stambenoj oblasti primjeni ista iskustva radi praćenja promjene etažnog vlasništva koje bi pomoglo u mnogim situacijama poput provjere ličnih podataka na ZS obrascima prilikom odlučivanja etažnih vlasnika i slično, kao i provjere obaveze etažnih vlasnika za dostavljanje podataka o etažnom vlasništvu, što bi ujedno olakšalo i upraviteljima da ispostavljaju račune stvarnim etažnim vlasnicima, a ne prethodnim ili umrlim etažnim vlasnicima, te na taj način onemoguće izbjegavanja plaćanja naknade za održavanje zgrade.

Iste podatke bi koristila i Kantonalna uprava za inspeksijske poslove.

Molim MUP KS da prenese svoja iskustva, a Zavod za informatiku i statistiku KS da pruži potrebnu tehničku podršku pri realizaciji.

S poštovanjem, “

ODGOVOR:

Zavod za informatiku i statistiku Kantona Sarajevo (u daljnjem tekstu: Zavod) podržava ideju koja je navedena u inicijativi, te smatramo da bi se time mnogi problemi koji su navedeni na ovaj način riješili.

Želimo da Vas obavijestimo da Zavod nije učestvovao u realizaciji projekta kojeg je provelo Ministarstvo unutrašnjih poslova Kantona Sarajevo, niti su nam poznati procesi na koji način je isto riješeno.

Na osnovu inicijative, smatramo da bi nosilac eventualne realizacije inicijative trebalo biti Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, te da bi se ista realizovala na osnovu njihovih uputa, uz podršku Ministarstva unutrašnjih poslova Kantona Sarajevo i Kantonalne uprave za inspeksijske poslove Kantona Sarajevo.

Obavještavamo Vas da Zavod ima velikih problema koji se ogledaju u nedostatku stručnog i tehničkog kadra, te da je Zavod blagovremeno zatražio saglasnost za zapošljavanje nedostajućeg kadra od prethodnog saziva Vlade Kantona Sarajevo. Napominjemo da navedeni materijal nije razmatran na sjednici Vlade Kantona Sarajevo. Ovim putem tražimo podršku da se isto realizuje kako bi mogli ispunjavati svoje zakonske obaveze i pružati podršku za slične inicijative, odnosno inicijative koje se tiču naših nadležnosti.

Zavod ima primarni cilj da kroz digitalizaciju procesa olakša i pojednostavi komunikaciju i realizaciju zahtjeva građana i pravnih lica prema organima uprave Kantona Sarajevo, te je i pored navedenih razloga, Zavod spreman pružiti podršku u realizaciji ove i svih narednih inicijativa u skladu sa svojim nadležnostima i mogućnostima.

S poštovanjem,


Mr. Dino Šehović



Dostaviti:

1. Naslovu;
2. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo;
3. Ministarstvo unutrašnjih poslova Kantona Sarajevo;
4. Kantonalna uprava za inspeksijske poslove Kantona Sarajevo;
5. a/a.